



## **Universitätsbibliothek Paderborn**

**Francisci Toleti S. R. E. Cardinalis Svmma Casvvm  
Conscientiæ, Sive De Instrvctione Sacerdotvm Lib. VII**

**Toledo, Francisco de**

**Coloniæ Agrippinæ**

55. De Luxuriæ filiabus.

**urn:nbn:de:hbz:466:1-40916**

*De Luxuria& filiabus.*

CAPUT LV.

**Q**VIA in lib. 5. instructionis, supra sextum præceptū, multa diximus de luxuria, ob id supersedendum huic tractati censemus: solum dicam de filiabus ipsius, quas illic prætermisimus; de quibus vide S. Thom. 2.2. q. 113. art. 5. & Gregor. lib. 31. moralium. Haec autem sunt octo, nimisrum, cæcas mentis, præcipitatio, inconsideratio, inconstans, amor luodii Dei, amor huius mundi; horror futuri sæculi.

Pro quarum intelligentia aduerte; Primo, animam nostram quamvis una sit, habere varias potentias, tam cognitivas, quibus cognoscit, quam appetitivas, quibus appetit: maxime autem haec in duas dividuntur partes, & in potentias superiores, putat intellectum, & voluntatem, & inferiores, putat sensus corporis, tam interiores, quam exteriores, & apperitus hos sensus consequentes. Cum autem omnes haec potentias in una fundentur, seu ab una mouentur anima, sit, ut, dum intensè una potentia operatur erga suum obiectum, altera nullo modo, aut remissè operetur erga suum. Hoc experientia ostendit: Auditu enim multum occupato in audiendo, visus vix videt quæ sunt ante se: similiter sensu interiori occupato in imaginando, sensus exterior nullo modo, aut remissè sentit. Hoc etiam fit respectu potentiarum superiorum: cum enim istæ occupatae sunt, inferiores parum sunt suis obiectis intentæ: & contra, his multum erga res corporeas intentis, superiores turbantur, & vix erga sua obiecta operantur.

Aduerte secundò, quanto potentia magis delectatur in obiecto, tanto intensius, & fortius operatur erga ipsum; & consequenter aliae potentiae remissè operantur, & rapiuntur ab illa. Cum igitur, inter omnes corporeas delectationes, primum locum obtineat carnalis, & luxuriosa delectatio, hinc est, quod ipsa facit partem sensitivam, & corpoream fortissime, & intensissimè intentam in tali obiecto, vnde delectatio procedit: parte autem hac multum occupata in suo obiecto, cœsequens est, ut superiores potentiae perturbentur, & ratio remissio fiat, & debilis in operando, ex eo, quod rapitur, & absorbens ab inferiori parte. In hac ergo turbatione rationis, & remis-

sione

tionē cōsistunt filiæ luxuriæ. Est enim duplex potentia superior, intellectus, & voluntas. Intellectus autem ipse quatuor habet actus.

Primus est, simplex cōsideratio, quā apprehendit finem bonum, & secundum rationem.

Alter est, consilium, quo disquirit media, quibus cōsequendus est finis.

Tertius est, iudicium, quo iudicat de uno quoq; qualis sit.

Quartus est, imperium, quo voluntati ea, quæ facienda sunt, proponit, vt ipsa præcipiat potentijs executiuis, vt faciant.

Omnis hi quatuor actus turbantur ex ipso raptu potentiarum inferiorum. Intellectus enim fit inceptus ad considerationem finis boni, dum rapitur ad cogitanda, quæ carnis delectationem faciunt, & hæc est cæcitas mentis.

Rursus fit inceptus ad consultandum de medijs ad finem bonum, & hæc est præcipitatio, qua homo noui curat ut consilio in bonis, ex mentis occupatione in carnalibus.

Rursus remittitur iudicium, & examen rei, dum non curat, quale sit, quod faciat, & hæc est consideratio.

Rursus fit debilissimus homo ad exequenda bona apprehensa, & cognita, nec vires in eo habent bona proposita, quæ aliquando proponit facienda: & hæc est inconstans. Omnes hæ filiæ sunt contra quatuor præcipuos actus prudentiæ enumeratos. Vnde bene dixit Aristoteles, Ethic. quod intemperantia destruit prudentiam: est enim præcipua intemperantia, luxuria. Hinc sequitur, quām perniciosum sit hoc vitium hominibus contemplatiuis, Rectoribus, Gubernatoriis, Regibus, Principibus, Iudicibus, literatis, & his, qui maximè prudentia vntur, & intellectu.

Ex parte etiam voluntatis sunt aliæ filiæ. In voluntate enim sunt duo actus: est volitio, qua homo vult bonum finem; & volitio, qua vult media ad talem finem. Hæc etiā duo turbantur.

Nam rapitur voluntas ad volendum, quod sensus vult, & pervertitur finis bonus; & hinc insurgit amor sui, dum homo, quæ sibi delectabilia sunt, vult; & consequenter est odio Dei, id est, quædam auersio animi à Deo, quæ, si perueniat ad consensum plenum, vt odio habeatur Deus, est mortalissimum peccatum.

Rursus rapitur etiam voluntas erga media, vt ea velit, quæ

ad propriam delectationem carnis ordinantur, & hinc infur-  
git amor saeculi, & mundi huius, & futuri horror, quo ei dis-  
plicet futura vita, dum vellet permanere in mundo, in quo de-  
lectationes suas habet. Atque hi actus, si plenus consensu voluntatis sint, sunt mortalia; si vero imperfecti quidam actus, & indeliberati, venialia. Priora vero circa intellectum iunc sunt  
mortalia, aut quando finis ultimus in creatura ponitur, aut  
quando pretermittitur ex inconsideratione, aut precipita-  
tione, aut alijs aliquod diuinum mandatum. Hae sufficiant  
de his filiabus.

*De Ira, quid, & quotuplex sit.*

CAPVT LVI.

**Q**uartum vitium capitale est Ira: haec autem potest sic describi. *Est appetitus vindictæ.* In cuius gratiam ad-  
uerte, iram non solum homini, qua parte homo est, &  
animam habet rationalem, conuenire, sed etiam ratione par-  
tis sensitivæ, in qua cum animalibus alijs conuenit; unde  
ira, quæ in alijs animalibus reperitur, etiam homini con-  
uenit.

In ira ergo communi hominibus, & animali, haec trian-  
periantur.

Est primò apprehensio alicuius mali illati, difficilis ad te-  
pellendum: non enim animal irascitur, nisi cum sensu percipit aliquod malum sibi illatum, vel proximè inferendum, quo  
non potest facile repellere à se.

Secundo, est quædam sanguinis ebullitio, & seruocinta  
cor: cum enim congregantur spiritus vitales in corde, ad ad-  
iutorium ipsius animalis, contra malum illatum, sanguis ad-  
uentu spirituum calidorum, seruet, & ebullit.

Tertio, est quidam appetitus, seu potius appetitio inferendi  
malum ei, a quo est sibi malum illatum: & hoc quidem ad re-  
leuandum malum illatum; & hoc tertium propriè est ira: ob  
id, definita est, *appetitus esse vindictæ:* haec ira est irrationalis, que  
quidem contingit homini in parte sensitiva, aliquando ipso  
nolente, & contradicente. Altera ira est soli homini propria,  
quæ in parte rationali, putata, in voluntate accidit, & in hac duo  
concurrunt.

Aliorum